



卷中詩稿

題淵明二圖

澆酒

少時慕耕稼經營在負郭買山不得資庠序紛追逐十載
塵網中筆舌供飲豈寒風起航船暑雨冽矮屋樂事如酒
杯有時心拘束欲止不得休欲飲不能續我懷陶元亮解
組去形役種秫三十畝釀酒百千斛當其適意時脫巾輒
自澆且澆且以嘗大醉忘昏旭終當遂此懷千載追芳躅



搔首轉茫然一事長堪惡

賞菊

人生快意事未得殊堪咀及其既得時嚼蠟同斯須淵明
抱此懷三英嗅清腴行歌籬落間至樂常有餘遠、白衣
人擔酒來荒廬江州愛士心殷勤誰与徒用尊對花酌菊
色還相如醺然卧石磴一覺酣遠、我今值重九抑首哦
詩書豈以圭組榮易此心眼舒悠然南山高招我營業居
猿鶴漫相笑努力為驅除

舅氏虛舟先生七十壽譙

秋入庭戶間索處散先接童子傳尺書舅氏正七十憶我
外祖父一花開九葉婚嫁完向平衣食猶豐給長者陸氏
媿良田連廣陌獨子中道止後嗣今爰、二姨嫁朱公戎
行膏赫奕三子一子玩遺業僅文籍次者即舅氏文譽喧
都邑庭下五男兒森、如玉立二舅少多能筆墨事行役
迢、鬱洲城三子各旅食張姨遭亂離海濤蕩魂魄伶仃
一子在太守新報捷三舅喜偕老卯闈得復失兩子幼者

存分憂勤負笈季女即我 母廿載擗窀穸客授活四子
父起錢塘沙四舅之齊眉華髮撫弱息令德宜令子崢嶸
望側室五舅及艾年辛苦猶佔嗶三娶得三子長者方諧
匹舅氏九人中生事獨慰愜子婦共十人定省繞雙膝抱
病三十年高吟曾不輟一炬棟宇飛茅堂猶自葺何如吾
父子饑凍炊烟熄講肆為馬廐墓舍窳福公今朝壽燕劑
二老紛垂白諸舅並無故吾 父獨為客牽衣羅諸孫奉
觴集群戚何必公与卿鷄黍懼無極言也 廁坐隅頌禱非

所習商歌述舊情聊以佐永日

贈曹倫生明府

鼎臣無錫人

自古求忠必孝子未聞選將即廉吏
賢侯神算平大嵐儒術於今賴吐氣
邇來文士不知兵鎗劍毛錐較為戲
儒名甘心韜略外判日畫空畫能事
吾侯遭亂謂不然我戰則克古之制
勒兵城北及石門屈湯二校亦指臂
劍鉞初試大堰頭遇賊敢往無少避
中分兩翼若鸛鵠前列排攢等魚麗
山背紅巾競豕突山南綠林並狼睨
大黃一發皂毒

翻穿林渡谷始塘沸上元再出浮誠多天堦翠巖亦全利
猶恐偏師難覆巢虎符四出嚴期會盛兵過水過賊衝董
村喙息得盡殫乘勝長驅指大嵐前歌後舞多留隊大嵐
四面萬衆齊一幟前賊膽悸共指曹侯武且仁解甲投
戈死無二買牛買犢頃刻中四野良苗偏植藝大家車箱
小擔負租稅亦平了無異吁嗟乎列城高甲并如星蒼符
取人祇坐睇保甲申明五六年文移上下徒取其侯緣何
術得致此武人効力民知義謂侯嗜古饒智略累書生

奉旨山鄉遠
有在百里外里
肯不能赴卯
有免卯錢

各尸位謂侯重賞購勇夫供億三年已掃地獨有廉明一
寸心誠之所格應無滯使侯一切釐前人免卯取餘因宿
弊究竟所得耗幾何當來大難無由濟今茲兩袖清風聞
發途見遠如符契成城可守在無形畫疆不犯化異類眼
前天下兵戈端安得邑、如侯草翩翩黃綬映銅章不任
用威任用惠元氣既充百體堅外患雖殷寧及內斯為戰
勝在廟堂何事多方籌募饋

題鐵拐仙圖壽吳丹霞

世間豈有三神山隨風上下徒空譚船齋男女恣詐妄徐
生一去不復還南稱浮山北海市蜃氣倏忽呈奇觀秦皇
不悟漢武踵宿留琅瑯之采間丹霞老人早聞道春秋七
十周人寰浩歌自作商山響音痛飲不讓新豐塵騎龍駕景
付一呖畫圖陳迹况此仙不能衛足強鉏耳何來大藥長
朱顏斯言似戲實至理堪為流俗箴愚頑聊書頓首當觴
祝知應掀髯而笑應之曰然

題孫赤崖把釣圖

萬里征人隔塞垣十年客夢繫江村歸來仍理垂綸事舊
日盤陀石尚溫

世事真者一呖如白衣蒼狗幻空虛豈因賦動天顏喜
尚學磻溪釣後車

壽張容嶼

少時工鉛槧努力事場屋十載困公車一官就鷄肋函閩
天險峻洪河古流濁黃綬縮銅章辛苦書生祿屨首課簿
領違心使鞭扑偃仰終不似炎日齋東竹拂衣歸鑑湖澄

泓豁心目款友黃鷄高得句清酒澆乃知天地间至樂在青蒿
我取人所棄夢覺爭一粟今夏花甲周茅屋親朋速二人髮並
玄三子衫將綠再行百歲觴一闋紫芝曲何必公與卿乃稱先
人闕吾能言公情無能企公躅栖遲研北田應笑吾豈

咏提督李公所藏銛銀劍

八駿應追穆滿遊故將遺劍佩間收懸來壁上風雷集舞
向燈前鬼物愁此夜寒光侵北斗何年冶石到西洲生平
亦有凌雲志願鼓雙環試發謳

管邨詩稿

贈姚非菴明府

以下丙辰

當代詞壇誰擅名聯翩四美說桐城十年雁塔題相接三
月鶯花政已成衙散琴書依宦冷門盈桃李照簾明自慚
久伏鹽車下亦藉孫陽一盼榮

繞門山同毛煥文賦

不分龍巖向國門難辭斧鑿繼朝昏深山若肯埋頭去陟
絕千尋孰敢捫

何年鑿破女媧天峭壁巉巖越水邊
閑盡滄桑無教幻任教攻取總巍然

毛彰

同呂言聖平周子愚馬漢遲阮德文言又陶陸

允文家弟授一飲魏燕公方公翬粟花下賦三絕句

好友花間酒一尊布帆欲去繫朝昏天邊廣樂只須听篋

底奇文且細論

未開時節似含羞圓折纖腰綠玉鈎一點芳心何日逗翩

翻紅紫盡昂頭

後院花逢前院開芳菲好待客重來
主人情重花應解一月春光數舉杯

再渡曹娥江

早分金臺醉接離重來誰道浦江酒同舟
觴咏人非舊滿路鶯花色已披
難說解牛刀中理誓將報趙漆塗肌
乘風擊楫今朝去不為鄉園動客思

寄鄧心章

令祖□□先生為

先王父丙子同榜

桂籍通家四十年中間消息兩茫然
父書我已同膠柱壯志君方奮着鞭
梅雨孤篷悲去棹松風矮屋憶鳴弦
莫將出處分頭看秦嶺新通洱海煙

同朱人遠黃主一陳子榮飲張無逸德隅書屋

十年張老記高風

甲辰與令祖次仲先生會于語溪

何幸聞孫笑語同酒

氣久封秋露白花欄初發小桃紅
春光如許猶為客書卷空地莫禦窮
義殺高齋幽事足素琴松慶稱傳芳

題朱人遠小影

箬笠蓑衣脫晚晴獨攜尊酒宿蘆棚
猶嫌曾踏紅塵裡濯足船頭待月生

醉書葉公旦畫余鬪鷄扇子

扁舟我欲向遊行唱罷陽關為寫生
朔雨寺樓分手去何人蹴舞共三更

又題公旦所畫查夏重扇亦作鬪鷄樣

一時結納重鷄缸扇影昂藏名得雙
不識攜將京國去金蛇意可能降

次夏仲扇韻

梨洲先生

燈火藍溪飲撤缸卅年國士歎無雙
為憐伯樂空群去使我閒居氣未降

次闌鷄韻送別貞一

鶯花此地送君行相對悽然一老生
風雨雖知鳴不改但教弗令怨長更

其二

春漲吳江此日行相期各不負平生
縱然京邸繁華地

不異山中聽鳥更

黃宗炎三翁

布襪青鞋獨自行江南梅雨夜潮生
漫言杜宇催歸急一路禽聲已漸更

陸嘉淑冰修

或尼君行或勸行蕭蕭寒雨晚涼生
越鷄藿蠋奔蜂動關路何須怯五更

葉旦公旦

曾向青齋汗漫行
抱鷄人共指
任生僚
九秋爽
渾成僻
應是鳴將未
數更

出嘉興界

離家年月不知愁
難坐逢窓好
勸酬忽指界
驛官路側茶
甌擎盞一回頭

夜逢國雲舟梅

每逢北舫即高呼
夜黑閩門逆駭烏
五月離愁銷見面
三千烽火問經途
知幾已小嘉
知海失意當以博
失盧一賭

獨醒聊盡醉
天涯幾得集吾徒

端午泊揚州

憶昔嚴風冬至日
隨親此地踏青鞵
書籤猶作天涯客
金谷難封地下骸
鴨臠蒲觴因友盡
鷄群虎勝念兒輩

鑿船歎

我行蘓閩道
逢窗雨點細
雙六消
永晝呼盧
教正屬舟子
入艙言橫征
苦當避路
將由便橋
低慮難邁
請客提行

囊漑水重舟勢詭畢肆斧鑿汨入無際估客群怒言中
然恣汝意我輩界備資本將洋渡蔽停擲麾勿譁聽余理
往例惟王重抑未設閩嚴其制吾舟各所挾來往更何泥
而名畏不前空教習鼓柁答言信非誣古道今難繼短長
梁是微有無貨寧計冒昧入網羅搜剔極踵髻漏征任所
指淹日刑并麗吾聞為閩者仁暴分談稅無貨使可徵悔
殺千年帝滂初終日戒易方因未濟長途乃鑿舫此痛誰
當諦過橋整前局不貪守常通誰為點籌者吾茲効

歲誨

過高郵湖

吾家東海最東頭未放滄溟一葉舟今日高郵湖上過烟
波奇絕豁雙眸

登淮陰釣臺

韓侯慷慨士所重惟恩義信已因信人徑情少所忌觀其
辭蒯徹推食解衣終不奔我齊漢王寧忍棄公如漂母
飯重報符風契豈知相國心乃与南鄭異倉猝構獄詞始

取悅呂雉族夸寬莫仲史筆成附會不然英雄人剛柔必
相濟蚤年胯下辱何必通侯位受彼頽羞此而効陳豨計
我來淮水上登臺獨流涕俯仰千載尚悠々誰與議

郟城道中有感

究地大麥熟築場以砥平喜及新晴時趨功趨黎明驅牛
繫滾石四野聞相殺我家浙海上麥老禾初生連旬范梅
雨傷稼愁秋成烽烟三載餘掃地供毒城猶喜米不踊孤
寡得聊生嘗恐兵革後或將饑饉仍死兵更死歲二患相煎

併我無負郭田客游惰躬耕 父弟各他方講授食一經
所憂桑梓盡比閭肯漂零守望無因依梓鼓行復鳴念此
動遠懷停鞭試靜聽

謁傾蓋亭

十日淮浦三鍾吾相去百里兩齟齬舍舟就陸決良友倒
囊為我貫寒驢初程昨過次程半有亭翼然臨中途解纜
摩挲讀碑字亭惟其舊祠新圖上坐 宣尼西季路程子
主席居東隅憶昔南遊訪郟子祀官雲鳥無模糊邂逅道

左意歡洽東帛非厚情有餘此時語言恨不詳孔程問答
當何以豫章黃君魯直後識所先務臨官初撤材廢廟好
結構千秋壯觀今權輿吁嗟乎末俗支離薄仁義欲語伊
誰當聽予俗吏營一征調身聖踪賢蹟憑榛蕪二千年中
幾興廢整衣四拜還躊躇

泰山道中次鄭禹梅題壁韻

以下丁巳出京

天知吾騎出着意放春光凍釋於蹄滑風和失路長朝山
人怕勝過市女窺牆花鼓元宵逼劇情是異鄉

張夏村之北為屏風山、頂有竅東西相通日月初
生則光映焉先至正中御史郭嘉易其名曰通明碑
記有云海濬四孔之山猶稱四明意似有少於家山
者為題絕句改之

張夏邨陰列錦屏使君魯此錫佳名若將四孔家山此微

竅祇應歸小明

元夕宿小明次辛丑藍溪韻

蕭條野店值茲辰
駐馬隨緣息路塵
古廟燈稀徵俗深
山月上斷行人三千里外愁
時眼十七年來中酒身
慚負師恩成落夢
魂猶在剡湖湄

雪後途中有感

淺山雪易消
深山雪久住
始知喧競場
冰雪之所惡
我本林居人
精廬環竹樹
長河隔市黨
閉戶書曾著
有時徑雪

深簷溜垂冰
著扁舟良友來
敲尔烹日鑄
繡徑商古義
觸事感今緒
共矢貞松操
用驅塵網慮
何意飢凍煎
十年易其處
挾策干微名
奔走竟如鷲
所損有丘山
所得無銖絮
新塗日穿鑿
舊學益荒蕪
長安相識者
衣鮮馬尤怒
側身出其間
鑿朽殊非度
輕車復歸來
研北有恒賦
但期一室寬
寧須八驕呼
雲山當我前
重之感吾懷
雪兮漫相朝
終與守親故

蒙陰道中 調青玉案

旅壁有題此調者健菴先生曰此錢葆芬舍人揚
標作也子盍識其名以示來者承命書之因次
韻於後

土膏帶雪東春動泥滑醒車中夢默將出處權輕重燕市
紅塵石窗青笠且喜今迴鞚 兵戈天下拋糧種却嫌儒
者全無用設科置例方成閼負郭雖無遺書猶在歸侍舍
飴弄

徐公店

青馱市接伴城長五十征途州木荒賴有徐公留菴舍園
頭駐馬話斜陽今湖北方伯徐公子惺分守宛東時以青
伴五十里中無一聚落特於半道平岡上
築室百間招流民居之行旅至今藉憇焉

廬山

紛、制作薄前王肥遊廬山早決亡千載更誰同其眼荒
祠突兀隔山望東坡有云其東則廬山秦人廬敷之所從
遊者即其處也

紀宿遷所聞

居停葉上林世昌宿諸生也為言去歲七月二十

七日黃河泛溢潰遙堤而入頃刻間宿邑東南二
門外水高及甬居民皆牽母妻挈子女避入城內
高原其房廬器具漂蕩無一存者今所有民居皆
水退後重架余輩所舍始為高臺階五級而上昨
因故基營之遂与地平水退泥濘其高尚如此則
水勢之稽天可知矣考宿城北枕馬陵山、前突
起處建真武祠又前稍平為城、中隆起東西皆
窪城外尤為近水始遙堤未築時河水即溢然從

西來便東瀉而去故自明迄今未嘗有以昨歲之
浸者康熙辛亥羅多為總河築遙堤自下流迤邐
而上接於宿南門外与民居墻垣相去數尺而止
又自堤轉東繞城築之屬於馬陵山麓而止水一
時暴發有所入無所出以致障怒橫決宿民之家
業蕩盡婦女嬰魚腹者三數十人禍若是其酷也
然使水初發時於所為堤頭未及民垣數尺者稍
以門扇堵之急築土石猶可望水之不入乃其時

一老僧橫身水口疾聲大呼官府既慢不經心居
民又以宿從無防溺之患探手阻之不斯須而波
湧堤塌勢轟騰不可遏矣原其所以築堤不及民
垣數尺之故祇緣總河寓行臺於朱王廟當堤工
起手之日於此地指看即於此地施不敢稍越
尺寸致有此空缺遂為基患之端焉

卒勤聽說築堤却置民居傍水而欲想去年沈溺苦高
臺五尺已平泥

上林又言先此一月淮安有高家堰之決近堰村
聚生靈無一存者其時水以夜發人不及防頃刻
之間所留僅屋角樹夫而已民自知必死有父母
子婦以索相懸而用長繩繫五六鷺鴨於末望人
之取鷺鴨而因收其死者總漕帥公鑲亦捐金募
人救之得生人者犒三錢得死人者犒五錢然自
夜及明滄浸已久賴以活者無幾孰知一月後宿
邑旋有此災乎

清黃雜用是誰謀十舍漕渠陷阡尤我為鴨縱橫浮水面傷
心為倩把屍收

復言歸仁堤之築明時為防永城諸水下衝泗州
祖陵故設工部於呂梁取呂梁山之石令過舟皆
附載一扛致之歸仁以當稅馬令陵寢輟防呂梁
石已不載而工部之遺遂永為水道征稅之官夫
宿遷一縣而縣河濱有稅白洋河有稅皂埠有稅
是一縣之中而稅行舟者三以淮安一府而板閘

有三閘之併稅宿遷又有中河之稅是一府之中
而稅行舟者再欲望商旅之通而民用之裕其可
得耶余去歲以水道至宿病閘稅之太重舍舟從

陸謂同年王紫培凝遠曰閘稅之制甚非王政然

蘇湖北新許墅揚州及臨清諸處猶為近情蓋燕
湖以征江西川湖之貨北新以征閩廣浙東之貨
許墅以征浙西蘇松之貨揚州以征常鎮應安上
下江諸郡之貨臨清以徵山東河南及淮南北諸

郡之貨物名止可征其未稅者若已經稅一則則
止驗單而不再稅可也至於天津安宿遷天津河
西務諸處種、重疊之征不可悉數皆明代釐運
管河部差近並易為權算其實當盡省之徵諸上
林呂梁工部之言則余之諉紫塔者益信

呂梁載石葉歸仁上為公家下為民沾溺途來俱不恤獨
將征稅困行人

舟過無錫不得登惠山

一抹春山薄暮天萬家林木放炊煙自慚人物居中下無
分臨崖酌二泉

壽朱致一五十調三部樂次陳同甫韻

茂苑青松漸未楠資梁十無留一華堂文彩何似蒼厓素
質高枝瘦影峙亭、待谷裏雲生山邊月出微風來入笙
簧獨奏清絕 幾番雪壓霜欺記離立如人初移時節只
有蕙暖芳齊菊花枝繫到而今老幹迎霄都只為貞心似
鐵更五十年看真仙來取藥物

送徐道積之華亭

以下已未

兩載婁江客心期半屬君雲霄看意氣冰雪把詩文松底
茶鐺沸花間屐齒芬扁舟三泖去今我惜離群

獨坐

淺紅新綠自周遭獨坐誰人解鬱陶猶有一般堪戀處風
搖萬竹類西臯

看花

輓嚴顯亭先生

自先大父獲交先生於今三世矣前歲丙辰入
都拜先生於城西邸第喟然撫言曰余兩家誼頗
不薄當杪春花發即逢子之來乃臆雪續紛始見
我乎然有某在子母憂旅食當以一席相處也詎
次歲上日言遽以事告旋尺書束帛殷贈行方
圖更至長安負劍庭牆以畢步趨之願而竟不可

再見矣涕洟之餘聊述長句志痛

別公匆遽識公遲積雪金臺夜語時負米浪遊安客夢開
軒凝睇見心期豈知兩載西門路竟作三生宿牕悲痛殺
殷勤杯酒意聲澀露落湖湄

詠齋前杜鵑花

枯寂吾生已似禪却將絕色對高眠唇脂侵曉嬌還濕舞
袖當筵艷欲然疑是蜀山啼望帝會看閨苑守飛仙客懷
長恨春歸去誰道春歸得眼鮮

題扇頭梅花

春歸無地遣愁懷，倦入池塘午夢乖。
筆底幽香披拂處，一天冰雪到書齋。

題養齋教子圖

煙峰世外築幽居，松蓋亭中起步輿。
與碧浪任教三萬頃，閒庭不放一尊虛。

山水音將絲竹俱，更看娛侍有封胡。
春歸柳作漫天絮，聯袂來前得句無。

赴總督李鄴園先生之召敬呈四律

武功自昔屬儒脩，卻較詩書半袷裘。
夙擅鴻文追作者，新標偉伐足千秋。
山連吳越橫天險，海近東南效穩流。
若使普天經指畫，桂黔早已會共球。

持平憶自婺溪灣，使節稜嶸數往還。
秉德舊聞心似水，制軍共識勢如山。
只看直諫回天力，自有奇猷濟世艱。
託庇甘棠長被澤，經過細柳更開顏。

無才未得展清時，滄海東頭理釣絲。
鉛槧偶緣飢火出，姓

名却為鉅公知帳劑倘有郗超在
晨入應容韓愈辭未紀
殊勛裴相國大書準擬勒豐碑

十載遊蹤歷澱江兵戈近怪急相
撞壘門且喜無飛錫并
落仍看不吠厖休養百年歸德意
耕桑千里接鄰邦籌邊
欲請文饒策長日薰風侍北窗

